

Tha treabhadh a' briseadh sìos na lusan marbh don talamh agus a' leasachadh drèanadh. Mar a tha an talamh air a thionndadh tha diofar meanbh-fhrìdean, boiteagan agus beathaichean beaga eile a' tighinn gu uachdar. Tha faoileagan agus gràineagan a' gabhail fàth air a' bhiadh fhurasta a tha seo.

Ⓒ Dèan dà tholl mu 30cm ceàrnach agus mu 30cm a dhoimhne ann an achadh a tha air a treabhadh agus ann an tè nach eil air a treabhadh fhathast. Dèan sgrùdadh air agus cunnt na beathaichean eadar-dhealaichte a lorgas tu anns gach sampall. Carson a tha diofar eadar na h-àireamhan agus na seòrsachan anns gach sampall?



Tha todhar air a chur air a' phòir gus am fàs iad nas fheàrr. Faodaidh tu inneir bheathaichean no stuthan ceimiceach a chleachdadh. Chan eil na lusan a' gabhail a-steach ach na h-uiread de na beathannan a th' anns an todhar agus le sin chan eil e a' dèanamh feum sam bith cus a chuir air a' phòir. Tha e cudromach nach fras thu todhar ceimiceach faisg air uillt no linneachan oir 's dòcha gum puinnseanaich seo feadhainn de na lusan a tha beò anns an uisge.

Ⓒ Cuir sìol feur ann an dà phoit-fhlùr mhòr. Cuir todhar faiche air aon dhiubh. Cuir an dà phoit ann an àite blàth, grianach agus cuir pailteas uisge orra. Dèan nota air dè cho fada 's a tha am feur anns gach poit a' toirt a' fàs. Tomhais àirde an fheòir anns gach poit fhad 's a tha e a' fàs agus dèan cairt dhiubh.

